

Tiřacû Lou martsâ Li meitie Le stadzoun La feira de Souiza

5 poesie di Mario Belletto per i giaglionesi

Mario Rotsa

Tiřacû

Sit itière de Tiřacû fan tosort de meitiè
iot qui fet lou muřadou è qui fet lou quesinie

Ian cuřâ ina sepò è ian fèt in bel batsas
a per damoun iot la piseřota è a per daval iot in paras

Ian bitase de bouna veulha è ian areidzâ le meisoun
seusa faře tante pařoleus perquei soun touit de gran rusoun

Tiřacu ieře ina bourdzâ de baragues deilouzâ
È in bleuc per riře è in bleuc per daboun
Ian bitâ tot an founsioun

Ian tiřâ ba l'eiva dou Sapei
Pařie sit que pasoun peuioun gavèse la sèi

È da Vertsaouře ian tiřâ anout la coureun
Per la coumouditâ de tot le dzeun

Ian areidzâ lou tsapelot que ou leře bèla deifratsâ
È sît que arivoun da Planot peuioun diře in Patre è preundre in flâ .

Mario.

Lou martsâ

Iere in dimars matin
Iei partî da Dzalhoun
Per alê aval a Souiza
A fare me coumisioun

Ma vezèt frescoulin
È iere tot dzalâ
Iei bitame in bartin
È ina dzaca de shianpasâ

Sei arivâ aval a Souiza
An plasa dou martsâ
Iot sourtuie ina biza
Que lhe me gavave lou flâ

E dedin moun courblòt
Aiò in caroun de beuro
Ina douzeina d'uva
E catro oun sinc cousòt

Aiò ina toumò grasa
È in pinhoutin de biaouneus
Aiò asé leisâ ina plasa
Per in saqueut de graouneus

Aiò doué bèl broutseut
De salvia è de douřie
Aiò asé doué bel vazeut
Doué bel vazeut de mîe

E tanque iei vendû
tot ma mercansia
alouřa me iei soueindzâ
fôt ale amoun a pia

Iere bèla midzort
Aiô col d'alê au pan
Iei leisâ moun courblot
An countrâ di martsan

Sei intrâ daou panatie
È fran dařie la porta
Iavèt dué foureitie
Que voulhoun atsitê ina torta

Louè ou la voulèt de poumeus
Lhè lhe la voulèt setsò
E maque a seunterlis
Iot venume mal ala tripò

Le Stadzoun

De salhò foun alê piouê

Pourtê lhiam è semenê

Anvetse de tsoutein

Foun dounê l'èiva è faře lou fen

D'outuin iot la vendeindza

E le tsatinheus d'alê arbatê

Apré foun plantê la pouèindza

E lou vin nuva da tastê

D'uvèrt tanque vien la nèi

Fèt ina frèt dou diablo

Da tsaleundeus ai trè rei

Aleun coudzènos bas a l'eitrablo

mario

Li meitiè

Moun parein Titin Dzourmialha

Ou vesèt lou muřadou

Ou lot fet ina muřalha

Leibâ su lou crê di Cou

I-avèt iun itiebâ aou Grimoun

Que ou vesèt lou tsaliè

Ma ou vesèt maque de sepoun

E soun fraře li tsousie

i-avèt doué leibâ aou Moulê

Que ieře de boun lavouřie

Iun ou vesèt lou menusié

E l'aoutro lou farie

i-avèt iun a sein Louřeun

Que ou l'avèt padzin meitie

Ou l'avèt pa veulha de faře areun

Ma ou mindzave topařie

Leibâ a sein Grigoře

i-avèt iun di Tsamberlan

ou lot dezume torno pà moře

A talhê de rounzeus seunsa gan

A Staqueveun iòt sit de Pounsie

Que pòrtoun lou tsapèl

Soun meitre dou Paquie

Tra lou é sit dou tsatèl

Au Poueizat i-avèt iun deGrabièl

Que ou l'avèt in bleuc mal a ina plota

Louè ou l'avèt padzin tsapèl

Ma ou pourtave la calota

I-avèt venulhe mal a ina man

Pourtâ da in'infesioun

Ou voulèt jamé bitèse li gan

Perquei ieře in cabouzoun

In col ou l'avèt desume

Ařò li pin me roudzo

Iei dzo fèt tot li dzèst de la sume

Ařò ian col talhame in poudzo

Mario

La feiřa de Souiza

Sei alâ a la feiřa de Souiza per atsitème de pantaloun

Sei arivâ an plasa d'arameus iei trouvaie de counfizioun

Alouřa iei soueindzame d'alé beire in cafei

Sei intrâ ale tre couřoneus iei trouvaie Dzouzèt de Rei

Ou leře itié que ou ganasave ave iun que ou counheisèt

E ambeque iei reizounalo iot intraneun sèt oun iouèt

Nhavèt iun de la valada que ou l'avèt doué barbisoun

Ou lot deut a si cambrada ařò foun mindzè in boucoun

Nhavèt iun darie la porta que ou dezèt pareun a nun

Ma ou l'avèitave de bouna veulha sit que vezioun deidzun

Aioun de pan è de bergounzola è aioun dzo eicoulâ in pařelh de pintoun

Aveitâ ben couman fan la feiřa sit que vienoun da Tsimoun

mario